

{ مَا نَفِدَتْ كَلِمَاتُ اللَّهِ } .. الدرس) 20 (..

#تدبرات_في_سورة_لقمان .. د . حازم شومان

حازم شومان

الحمد لله وكفى وصلة وسلاما على عباده الذين اصطفى. اللهم لك الحمد كله و لك الملك كله. وبيدك الخير كله واليک يرجع الامر كله
اللهم صلي على عبده ونبيك محمد صلی الله عليه وسلم. في الاولين والاخرين وفي كل وقت وحين. اما بعد اخواني واخواتي في
الله يعني انا بصراحة - 00:00:00

انا انا زعلان يا جماعة. فين المصاحف يا رجال ؟ فين المصاحف ؟ اخواتنا فوق فين المصاحف ؟ ما فيش واحدة ماسكة في ايديها
مصحف ؟ ينفع كده ؟ فتح الله يتنزل بازن الله سبحانه وتعالى. فتح الله يتنزل على القلوب وعلى النفوس. وعلى جوارح وعلى الارزاق
وعلى وكل حاجة - 00:00:37

وعلى الامراض اللي في الاجساد. فيلا يا اخواني فتح المصحف سورة لقمان. ها النهاردة اللقاء الثاني المرة اللي فاتت كان اللقاء الاول
وهو التدبر العام كان المقدمات بتاعة سورة لقمان تدبر العام. المرة دي بازن الله سبحانه وتعالى بداية الشرح والتدارس - 00:00:57
مع ايات السورة صاد ربعمية وحداشر اخواني واخواتي في المسجد. واخواني واخواتي معنا على البث. ان شاء الله بازن الله كل
واحد يمسك مصحف يا اخواني. كله واحد يفتح كتاب ربنا كده ونقف مع كلمة بازن الله سبحانه وتعالى الواحد جاي والله
حساس بفرحة رهيبة واحنا خارجين من سورة السجدة - 00:01:17

داخلين صورة لقمان بقول يا رب يعني يا رب ايه الخير ده ! ايه الكرم ده ! اللهم لك الحمد ! بسم الله الرحمن الرحيم ! الف لام ميم تلك
ایات الكتاب الحكيم الف لام ميم يلا نبدأ مع بعض بقى الف لام ميم. اول حاجة الف لام ميم كلمة اشهر افلاس. كلمة اشهر افلاس
عارف لما واحد - 00:01:37

عايز يقتلك تقول له وادي المسدس وادي الرشاش وادي السكينة يا عم موتنى بقى. قال لها طب كمان مش بكفاءة. طب خد الف لام
راء. طب خد الكاف والهاء والياء والعين - 00:01:57

طب خد نون طب خد قاف خد يا عم انت مش بقى عمل حاجة ليه ؟ اهو شر افلاس انهم لن يستطيعوا القضاء على كتاب الله. الف
لام ميم اهو الحروف اللي جاي القرآن منها اهو. اعملوا لنا حاجة بقى تضربوا القرآن بها. مهما حاولوا ومهمما كافحوا ومهمما -
00:02:07

دين الله وحرب القرآن حاولوا اشغال الناس عن القرآن. هؤلاء مفسرون وكلمات الله لا تنفك. مهما حاولوا يحاربوا الدين ويحاربوا
وجود الله. هؤلاء مفسرون وكلمات الله لا تنفك. الف لام ميم كلمة اشهر افلاس - 00:02:27
اتنين الف لام ميم كلمة ابهار بالقرآن. يعني يمكن ده اكتر معنى الواحد اصلا حاسس بقلبه في الف لام ميم. وانا بقرأها كده سبحانه
والله النهاردة كده وقاعد اقول يا رب الف لام ميم الحروف دي هي اللي طلع منها خواتيم الحشر اللي بتزلزل القلب وتذوب القلب.
الحروف دي هي اللي طلعت - 00:02:47

بنهاية الكرسي اللي تخليك تسجد تحت عرش الله. الحروف دي هي اللي طلع منها خواتيم البقرة. الحروف دي هي اللي طلع منها
سورة الانعام اللي سبعين الف ملك. جعلوا بتسبيح في السماوات وهي نازلة. الحروف دي هي اللي طلع منها الزهراوين البقرة وال
عمران - 00:03:07

بكل ما فيهم من نور وضياء. الحروف دي هي اللي طلع منها سورة الكهف. اللي قلوبنا بتذوب كل جمعة واحنا بتقرأها من ارشادات الله العظيمة فيها الحروف دي هي اللي طلع منها اول الحج. هي اللي طلع منها هيقتل مشكاة. هي اللي طلع منها كل اية عن الله وعن جلاله وعن الجنة - 00:03:27

ابهار بالقرآن الف لام ميم وانت بتقرأها كده تقول يا رب الحروف دي هي اللي جه منها القرآن العظيم ده كله فتنبهر بالقرآن وتبهر بعلم العليم. ثلاثة الف لام ميم. كلمة اشهر افلامس. اتنين كلمة انبهار بالقرآن. ثلاثة الف لام ميم. كلمة - 00:03:47 فضح لاهل الباطل. مش بس انهم مش عارفين يهدوا القرآن. ان هم مش عارفين يجيبوا زيه اصلا فضيحة للعلمانيه. والملحدين - وجميع المذاهب المعارضة للقرآن وجميع الاديان الاخرى وجميع المحاربين لدين الله. كلمة فضح لهؤلاء انهم لا يستطيعون -

00:04:07

هنا ان يأتوا بمثل هذا الكلام ابدا ولو اجتمعوا الف لام ميم كلمة ربط نفس الف لام ميم اللي بدأ بها لقمان والسور المكية هي الف اسلام مين اللي بدأ بها البقرة اللي بتعلمنا ازاي بنبي دولة وازاي نقود العالم وازاي نحقق الخلافة في الارض. الله! الف لام ميم بتاعة لقمان -

00:04:27

اتكلم عن التربية والایمان والعبادة. هي الف لام ميم بتاعة البقرة اللي بتتكلم عن الاستخلاف في الارض. لأن المعنى اللي مش يطبق اللوامم المكية ويتربي مش هيقدر يطبق الا و Mime المدنية ويقيم الدين في الارض. يبقى البداية التربية لازم تتقسم - 00:04:47 بالف لام ميم المكية عشان تقدر تطبق الف لام ميم المدنية. اخيرا. وخامسا الف لام ميم رسالة. رسالة من ربنا. ربنا بيقول لك تفنن في الدعوة. لأن العلماء قالوا الف لام ميم ده اسلوب جذب انتباه. حتى لو هزه الحروف يعني لا تحوي معنى - 00:05:07

على بعض قول بعض العلماء قال لك اسلوب جذب انتماء انتباه. تفنن في جذب انتباه المدعوين. اجزبوا انتباه الناس. تفنتوا في الدعوة فنتنا في اساليب الدعوة ابدعوا وابتكرنا في وسائل الدعوة عشان تشدو الناس كلها لدين ربنا لما بشوف في فرح من الافراح وهم بيعملوا - 00:05:27

بوق ليزر ويولعوا نار ويعملوا استعراضات. هم بيخطفوا عنين الناس. عايزين احنا كمان نتفنن ويبقى عندنا اعلام اسلامي. فالـ لـ اـ مـ مـ مـ رسـالـةـ تـفـنـنـواـ فـيـ الدـعـوـةـ إـلـىـ اللـهـ. الفـ وـلـامـ مـيمـ رسـالـةـ كـمـاـ قـالـ بـعـضـ الـعـلـمـاءـ اـتـعـلـمـواـ التـهـجيـ. آـلـاـ الفـ لـامـ مـيمـ اـتـعـلـمـواـ - 00:05:47 الـبـدـوـ الـلـيـ كـانـواـ مـحـاجـيـنـ يـتـهـجـوـ بـطـرـيـقـةـ الـفـ لـامـ مـيمـ هـمـ الـلـيـ صـنـعـواـ اـعـظـمـ حـضـارـةـ فـيـ التـارـيـخـ بـسـبـبـ هـذـاـ الـقـرـآنـ بـسـبـبـ هـذـاـ الـدـينـ فـيـ الـفـ لـامـ مـيمـ رسـالـةـ ربـنـاـ بـيـقـولـ لـكـ بـهـ اـتـحـدـىـ اـهـلـ الـبـاطـلـ. اـنـتـ اـقـوـيـ مـنـهـمـ طـوـلـ مـاـ الـمـصـحـفـ فـيـ اـيـدـيـكـ اـنـتـ اـقـوـيـ مـنـ التـلـاثـةـ -

00:06:07

مليون موقع اباهي. طول ما المصحف في ايديكم انت اقوى من العري والملابس العارية. اللي فرنسا واوروبا وامريكا بتتصدرها للمسلمات. عشان يفتنوا طول ما المصحف ده في ايديكم انت اقوى من الملحدين والعلمانيين وكل المذاهب الارضية طول ما المصحف ده في ايديكم ما حدش هيقدر - 00:06:27

ينتصر عليكم ابدا. انما يفضل في ايديكم. وتفضلا متمسكين به. اعرفوا قوتكم. الف لام ميم. تلك ايات الكتاب الحكيم تلك اسم اشارة للبعيد يدل على العلو. يعني ده حاجة عالية اوبي. بس تلك لما اقول لك تلك النافذة اللي بعيدة معناها انك انت شايفها -

00:06:47

انت شايف القرآن ببصيرتك؟ انت شايف ان ده كلام ربنا باليقين اللي جوة قلبك؟ انت موقن فلما ربنا بيقول لك تلك ايات تلك عجائب تلك الدلائل على الله. انت فعلًا شايف القرآن دليل على الله. انت موقن ان القرآن ده من عند الله. انت عندك اليقين بتاع -

00:07:07

اسم الاشارة تلك ايات الكتاب الحكيم. يعني ايه الكتاب يا جماعة؟ الكتاب جاي من الضم يعني الكلمات المعجزة التي ضم بعضها الى بعض حتى كنت كتابا معجزا. الكتاب زي الكتبية ايه الكتبية؟ الجنود الاشداء الذين ضم بعضهم الى بعض - 00:07:27 حتى كانوا جيش لا يهزم فالكتاب هو ضم الكلمات الاعجازية مصدقا بكلمة من الله اي كلمة كلمة. يعني القرآن سبعة وسبعين الف

ربععية تسعه وتلاتين كلمة. صح ولا لأ؟ طب كم حرف بقى؟ ما دام انت قلت صح. القرآن كم حرف - 00:07:47
مية اتنين وعشرين الف بس. تلت اللهم بارك اجري الكلام ده يا دكتور احمد. تلتيمية وعشرين الف وخمسة اشر كلمة. الكلام ده عدي
مين؟ مين اللي قال الكلام ده عبد الامام ابن كثير. عبد الامام ابن كثير. سبعة وسبعين الف ربعمية تسعه وتلاتين كلمة. تلتيمية
وعشرين الف - 00:08:07

حرف يعني اضرب في عشرة يبقى ثلاثة وربع مليون حسنة في كل ختمة. ده من غير مضاعفة. ده ده بس بالعشر حسنات. ده غير
مضاعفات رمضان موسم الطاعة بقى والله يضاعف لمن يشاء. السبعة وسبعين الف ربعمية تسعه وتلاتين كلمة كل كلمة ممكن تجيئ
لك اليقين. كل كلمة ممكن تغير لك - 00:08:27

ولو شئنا لرفعناها بها. تلك ايات الكتاب الكلمات الاعجازية التي ضم بعضها الى بعض. حتى كونت هزا الكتاب المعجز كأنه كتبية وأنه
كتتبية من اجل الجهاد جهاد اصلاح النفوس. تلك ايات الكتاب الحكيم. الحكيم المفسرين وقفوا معه - 00:08:47
ركزوا معي بقى يا اخوانى لأن ده كلام ربنا واحنا عايزين نتغير به. الحكيم المفسرين وقفوا معه قالوا ده وصف لكائن حي. يعني
الحكيم يقول لك حكيم الزمان يعني ايه حكيم الزمان يعني اروح له كده ؟ اقول له ده انا عندي مشاكل وتأيه ومشتت ومتبهدل
ومكتب ومحبط يقول لي - 00:09:07

كلمتين يغير لي حياتي كلهم به. بالكلمتين دول. قال لك هو ده الحكيم. فالقرآن ده الحكيم واحد جاي من الحكمه ان كل القرآن كلمات
تغير حياتك من الحكمه اللي فيها. الحكمه هي وضع الشيء في موضعه. كل - 00:09:27
قل القرآن بيعلمك ازاي كل حاجة في حياتك تبقى صح. زي الموبايل ده. الموبايل ده كل تركيب فيه محظوظ في مكانه. ليه ؟ يقول
لك الحكمه اللي حكيم. طب القرآن حكيم يعني ايه ؟ بيعرفك كل حاجة في حياتك تمشي صح ازاي ؟ تخيل بقى لو فيه حكيم للزمان
وانتم من غير ما تدفع له خمس تلاف جنیه في - 00:09:47

اشارة ساعة زي المستشارين الاسريين والمدربين العالميين تاخذ خبرته مجانا. تخيل بقى حكمه الحكيم سبحانه وتعالى حينما تتصل
في القرآن فانت تمتلك حكمه الحكيم ورشد رشيد وعلم العليم وخبرة الخبرير. اولم يكفهم انا انزلنا عليك - 00:10:07
الكتاب هو القرآن مش كفاية. حكمه الله نازلة لك. علم الله. خبرة الله. رشد الله الرشيد سبحانه وتعالى. كل ده مش مكتف فيك تايه
ليه ؟ لأنك مش متصل بالكتاب الحكيم. كل شتات في حياتك كل توهان. كل حاجة غلط. كل وقت انت ما بتتحطوش في - 00:10:27
او طاقة ما بتتحطهاش في مكانها السليم لأنك مش متصل بالكتاب الحكيم. واحد من الحكمه اتنين من الاحكام الاحكام لما اقول لك انا
ربطت الازاذه باحكام. ما حدش ما فيش حاجة من اللي جواه تطلع برة ولا حاجة من اللي برة تدخل جوة. كتاب محكم. حدش يقدر
ابدا - 00:10:47

ان هو يهد فيه. حدش يقدر انه ينال منه. ما حدش يقدر ان هو يصل اليه باذى كتاب محكم. ما حدش كله محكم ومترابط. ثلاثة
الحكيم من الحكم يا جماعة. من الحكم. يعني اووعي تفتكر ان القرآن شوية مواعظ بس كده وربنا بيوجهزك وخلاص - 00:11:07
لا لا لا لأ ده شريعة. لو انت طبقتها تدخل بسبيها الجنة. ما طبقتهاش تترمي بسبيها في جهنم. انت واللي بدل شرع الله ومشيت
وراه. ده حكم الله. ده مش لعبة. ده كلام فاصل. ده اوامر من ملك الملك سبحانه وتعالى. من مالك الملوك سبحانه وتعالى - 00:11:27
تلك ايات الكتاب الحكيم. يبقى الموضوع ده مش لعبة. ما حدش يلعب. اربعة الحكيم من الحكم الاصل الحكم كما قال علماء اللغة
من الحكمه. الحكمه دي اللي هي لجام الدابة. اللي هو انت بتوجهها يمين او شمال او قدام بها. فلما قال لك تلك اياته الكتاب -
00:11:47

الحكيم بعض عباقرة المفسرين قال تشبهه لایات القرآن بجيشه من الخيول كلها في اتجاه واحد وكلها محكومة. يعني ايه ؟ يعني
القرآن كله ما بيوجهش غير لربنا. القرآن كتاب موجه. ما بيوجهش لشهوة. ما يسيرش شهوة - 00:12:07
ما يسيرش باطل. القرآن كله له مقصد. كل ايات القرآن عشان انت تتغير. عشان انت تتغيري. عشان الخير اللي جواك يتفجر ويطلع.
تلك الكتاب الحكيم من الحكمه انك تقدر تحكم نفسك. الكتاب اللي بيعلمك ازاي تحكم نفسك. الكتاب اللي بيربيك على كيفية -

ان تكون رئيس جمهورية نفسك بس بالخير مش بالشر. مش بالازانية بقى. انك آآربى اني لا املك الا نفسي انك تقدر تحكم نفسك تقدر تحكم نفسك هي دي الحكمة. الحكمة انك تقدر تسيطر على نفسك. وتسيطر على شهواتك. وتصير على تصرفاتك وردود افعال

00:12:47 -

في الابلاء ساعة الشهوة ساعة ما فتنة تعرض لك. خامسا الحكيم اي ذو الاسلوب الحكيم في التغيير. القرآن يغيرك بحكمة. انت ممكن تيجي لي تقول لي انا تعان والله ومش عارف اعبد. اقول لك يا اخي انت مقصري في حق الله. انت ايه يا عم في ايه يا عم بالراحة بس - 00:13:07

القرآن ده ما بيغيرش كده. القرآن يغيرك بحكمة. القرآن يرقيك بحكمة. تلك ايات الكتاب الحكيم. هدى ورحمة لمحسنين هدى ورحمة دي اللي يفهمها. قلبك يدوب من الشوق لكتاب الله. قلبك يدوب من الشوق للقرآن. هدى ورحمة. هدى - 00:13:27

يعني ايه ؟ هدى يعني ضد الشتات. ضد التيه. ضد محatar. القرآن مرشد الحيران. ورحمة الرحمة ضد الافتئاب ضد الهم النفسي ضد الحزن ضد اللالم ضد الخوف ضد الوهم ضد الهدى نور من برة بيعرفك طريق - 00:13:47

الصح ايه ؟ ازاي توصل لاهدافك ؟ اقصر الطرق لاهدافك ايه ؟ بيديك خط سير. الرحمة نور من جوة. بيخليلك سعيد مطمئن ساكن. كان الصمت مخيفا قبل كلام الله. من غير القرآن الحياة مرعبة. من غير القرآن تساؤلات نفستك - 00:14:07

اجابة عليها. من غير القرآن انت هتمزقك الالام النفسية. هدى ورحمة. هو ده القرآن يا اخواننا. ان في هذا ها ان في هذا لبلاغا اي في هذا القرآن. عايز توصل ؟ عايز تبلغ للصلاح او للاصلاح ؟ عايز تعمل اي حاجة ان - 00:14:27

بذل بلاغا هو ده اللي هيوصلك. ما فيش حاجة هتوصلك غير القرآن. القرآن ربنا سماه الصواعق. يجعلون اصحابهم في اذانهم من عائق يعني انت عايز تبقى راجل صاعدة تبقى داعية برتبة عميد صاعدة في جيوش ملك الملك القرآن هو اللي هيخليلك كده - 00:14:47 القرآن ولا يخليلك قوي. القرآن هو اللي يمدك بمادة قوية في كل موقف شغال فيه في الدعوة. قرآن هو الحل الوحيد لمواجهة جيوش الالحاد وميليشيات الاباحية وميليشيات الشبهات وتوبيه الامة الحل الوحيد هو كلام الله - 00:15:07

سبحانه وتعالى هدى ورحمة. الكلمتين دول اللي يفهمهم. قلبك يدوب من الشغل للقرآن. كلنا محتاجين هداية. وخط سير. فيه طرق بتوصل للسعادة والنجاح وفيه طرق بتودي في ستين مصيبة. هدى هيدخلك في الطريق الصح. ورحمة هيملاك من جوة رحمات. هدى المعنى الاول - 00:15:27

ربيع قلبي ونور صدري. رحمة جلاء حزني وذهاب همي. هدى ورحمة لمحسنين. يعني ايه المحسنين يا جماعة؟ يعني مش ايه حد بيستفغ بالقرآن. يعني مش كل واحد هيذاكر التفسير هيستفغ لازم تبقى محسن. يعني ايه محسن؟ قالوا يعني مكثر من عمل الحسنات. المعنى الاول - 00:15:47

المحسنين مكثر من عمل الحسنات. تعمل حسنات كتير. بتصللي نوافل كتير. بتروح لاسر ثقيلة كتير. بتشتغل في الدعوة كتير بتقوم الليل كتير. بتصوم اتنين وخميس كتير. بتستعمل السواك كتير. قال لك ده هدى ورحمة لمحسنين - 00:16:07

يبقى عينيه المحسنين اي مكثرين من الحسنات. الانسان اللي بيعمل اعمال حسنة كتير واعمال صالحة كتير. طيب المحسنين برضه قال لك الذي يعبد الله باحسان ان تعبد الله كأنك تراه. يعني ايه ؟ يعني ما انتش ملتزم قشرة. ما انتش ملتزمة من برة وخلافه. محسنة من جوة - 00:16:27

وانت بتبعدي قلبك شايف ربنا. وانت بتلبسي نقابك قلبك شاهد لجلال ربنا. كانك تراه وانت قاعد الوقتي في الدرس انت عايش مع جلال الملك سبحانه وتعالى. هو ده مش ملتزم قشرة. مش ملتزم اين للسقوط. الدين اللي دخل جوة قلبك - 00:16:47

هو ده اللي القرآن بيهدىهم. اللي قلوبهم بتتعامل مع ربنا بقلوبهم مش بجوارهم. بس هدى ورحمة لمحسنين اللي مش ماشيدين بدماغهم مش ماشيدين باهواهم مع اهل العلم. وسط طلب العلم وهم في الطريق ده هيقدرروا يصلوا لكلام ربنا سبحانه وتعالى. طب المحسنين - 00:17:07

دول بقى ربنا بيفسرهم بيقول ايه؟ الذين يقيمون الصلاة ويؤتون الزكاة. الله اكبر! الكلام في الاول كان عن القرآن زي دورة سورة لقمان احنا فيها بعد كده الكلام بقى على عبادات. زي يلا نشجع بعض اللي هناخدها بعد ادان العشاء بازن الله. يعني القرآن بيقول لك مين اللي هيوصل - 00:17:26

القرآن بيكلمك عن اهل القمة. اوئلث على هدى. على وصلوا للقمة. دول اهل القمة. وصلوا لها ازاي يا رب ب حاجتين واحد القرآن اتنين العادات اللي هو المنهج اللي احنا ماشيin عليه دلوتي وبمستعد لم رمضان به - 00:17:46

عشان تبقوا من اهل القمة. عشان تبقي من اهل القمة. عشان ربنا يقول علينا من فوق سبع سماءات بازن الله. اوئلث على هدى من ربهم عرفتم الطريق للقمة ايه يا جماعة؟ يبقى العبادة مش دروشة بقى. يبقى الاخوة اللي قاعدين على الفيس ويشتموا في اي داعية بيتكلم عن - 00:18:06

او بيتكلم عن قيام الليل وبطلوا دروشة. يبقى انتم اللي مدروشين. انت هدى ورحمة لمين؟ محسنين. المحسن اللي ماشي صح كتير من اللي ماشيin في الدين معتقد انه ماشي بس هو ماشي بدماغه. مش ماشي على هدى من الله سبحانه وتعالى ده الاساس. لما ده يتصلح هنقدر نصلح - 00:18:26

كل حاجة بعد كده. يبقى المحسنين الذين يقيمون الصلاة ويؤتون الزكاة. الكلمة دي بتفهمك ان الدين ده عمل يا جماعة. اللي احنا قلناه في الدستور ان الانتقال من الفكر المشاعري للفكر العملي. انت اللي بينك وبين ربنا مش المشاعر اللي جوة قلبك. اللي بينك وبين ربنا مش الاحلام اللي انت بتحلمها - 00:18:46

الدين اللي بينك وبين ربنا مش الامان اللي جواك ونفسی ان انا اعبدك يا رب. اللي بينك وبين ربنا هو العمل. اذا اردت ان تعرف مقامك فانظر اين اقامك. مش فائز لمشاعرك. شف انت عملت لربنا ايه النهاردة. ايه الاعمال الصالحة اللي انت عملتها؟ صليت على رسول الله - 00:19:06

ارض قد ايه؟ في يوم الجمعة قريت سورة الكهف ولا لأ؟ صليت قيام ليل امبارح بسورة لقمان واحنا بادئين بنزاكرها ونحفزها ولا لأ؟ عايش في قعدت خلصت الضحى النهاردة ولا لأ؟ عملت ايه؟ يبقى هي القصة اللي بينك وبين ربنا العمل. ما تعشوش في الوهم يا جماعة. ربنا مش بيعبد بالاحلام والاماني والاوہام - 00:19:26

مش قضية انا نفسی وانا مستني عايز تقرب منه اعبده. عايزه تقربي منه. عايزه تغيري قلبك. عايز تصلح قلبك عايز تعالج الانما وسرطان الانانية اللي جواك. عايزه تغيري اخلاقك. عايزه تبقى انسان عالي عند الله على قد - 00:19:46

الصالح على قد ما انت هتتغير هو ده الطريق. الذين يقيمون الصلاة تشبيه للصلاة ب حاجتين. حاجة من اتنين. يا اما تشبيه للصلة بالعمارة اللي احنا فيها دي. لما اقول لك اقيم العمارة. يعني ايه اقيم العمارة؟ يعني مت - 00:20:06

العواميد يعني الصلاة دي بناء متن عواميد. ايه عواميد الصلاة يا شيخ؟ الوضوء تجديد الوضوء لكل صلاة ها ايه عوامين الصلاة يا شيخ ها ادي عمود اهو من العواميد السواك. ايه عواميد الصلاة يا شيخ! تكبيره الاحرام. ايه عواميد الصلاة يا شيخ! السنن الرواتب. وايه عواميد الصلاة يا شيخ - 00:20:23

ها الخشوع ايه عواميد الصلاة يا شيخ! انك تصلي على هذه السنة. عواميد الصلاة. الصلاة دي عمارة. شف انت عايز القصر اللي بتبنيه لربنا بالصلاحة ده يبقى شكله ايه؟ شف انت عايز البناء اللي تبعد ربنا به ده البناء ده المشكلة ان انت هتسكن فيه. المشكلة ان البناء ده - 00:20:43

هو اللي هيشيلك. المشكلة ان البناء ده على حسب وعلى حسب الابنية اللي بتبني لك في الجنة. فاواعي تغش في اساس بيتك مجنون اللي يغش في اساس بيته. ما تغشش في اساسات الصلاة. طب يقيمون الصلاة المعنى الثاني. تشبيه للصلاحة بالسوق. السوق يقول لك قامت السوق - 00:21:03

اي اشتغلت حركة البيع والشراء. قامت البورصة اي اشتغلت حركة الاسهم. قامت يبقى الذين يقيمون الصلاة النشاط في الصلاة. يبقى يقيمون الصلاة على معنى البناء معناها انه لما بيصلّي بيصلّي صح. ممكن ما يصلو ش كتير - 00:21:23

لكن الصلاة صح. انما يقيمون الصلاة بمعنى قامة السوق اي نشطت. يبقى معناها يصلوا كثير. يبقى المعنيين كامل. الموضوع. الذين يقيمون الصلاة يبقى لازم تكون نشيط في الصلاة والازم تصلي صح. ويؤتون الزكاة. يؤتون الزكاة. اول ما الزكاة فرضت في قولهن.

قول ان الزكاة - 00:21:43

كانت كل فلوسك تطلعها ما عدا اللي دخل بيتك النهاردة. وفيه قول ان الزكاة لكان لها مقادير ولا كان فيها اوقات. انت وحبك لربنا. انت ورغبتك على بتتغير. ربنا سماها الزكاة. يعني دي اللي هتنضف وتطهرك. انت عايز تنضف قد ايه بقى ؟ طلع على قد ما انت عايز تنضف. طلعي على قد ما انت عايزه نفسيتك تتظاهر - 00:22:03

فرينا سماه اسم جميل اوي. الزكاة والزكاة يعني النمو على قد ما انت عايز دينك ينمو. وعلاقتك برينا تنمو. ومالك ينمو طلع تعامل مع الله باليقين على كلمة يعني ايه ؟ دي التأسيس بقى يا جماعة. ده اللي يفهمنا ان القرآن المكي ربعميت صفحة القرآن المكي - 00:22:23

مدني متين واربعتاشر صفحة. يعني القرآن المكي اللي نازل لخمسين واحد في دار الارقم ضعف القرآن المدني اللي نازل لملايين بيقيموا الخلافة الاسلامية في العالم. الله طب ليه ؟ لأن القرآن المكي هو التأسيس. ما هو بداية لقمان دي لما نزلت في مكة والصحابة صلوا بها في دار - 00:22:43

الارقام اما ربنا قال لهم في المدينة انفروا تلاتين الف واحد نزل هيموتوا من العطش وينطلقوا لقتال الروم. لما ربنا قال لن تعالوا البر حتى تنفقوا. ابو طلحة طلع يعني كان اغنى واحد في المدينة. طلع الباير وحاء لله. ليه ؟ لأن - 00:23:03

وكل اية في المتين صفحة اللي غيروا العالم في القرآن المدني ربعميت صفحة اتربي عليهم الصحابة في دار الارقم في القرآن المكي يعني ايه اتأسيس. اعرفوا قيمة اللي احنا بنحاول نعمله الوقتي. اعرفوا قيمة التحفيز وتفسير سورة - 00:23:23

والاستعداد في رجب وشعبان بيلاشجع بعض. اعرفوا قيمة التلبية. اعرفي قيمة انك تتأسيسي صح. انك انت تتبنى وتتربي ساعتها بازن الله يقينا هتبقى بكرة حاجة جميلة اوي في الدعوة. بين وامتنى وازاي دي بتاعة ربنا مش بتاعتنا ولكن نحن موقدون - 00:23:43

بالله سبحانه وتعالى الاهتمام بالتأسيس. وهم بالآخرة هم يوقدون. الله اكبر. يبقى لما اقاموا الصلاة واتوا الزكاة. لما اشتغلوا في العبادات وصلوا لايه يقين يعني ايه اليقين ؟ يقول لك يقين الماء في الحوض اي استقر وثبت. انت بتقول ايه ؟ ثبت ما شاء الله ايه الجمال ده - 00:24:03

يقين الماء في الحوض اي استقر وثبت. يعني ايه يقين ؟ يعني الايمان سبت جوة قلبك. يعني ايه ؟ يعني مش هييجي واحد على موقف انتصري يديك شبهتين تلاقي نفسك بدأت تتنزىب. مش هييجي واحد ملحد يخبطك كلمتين. تلاقي نفسك بدأت تشک. مش هييجي الشيطان ساعة - 00:24:23

موت يخبطك شبهتين في فتنة الممات تلاقي نفسك مزبزب يقين يعني الايمان لزق جوة قلبك يتزعزعش. ثبت واستقر خلاص. وملأ القلب. القلب امتلأ بنور الايمان. وهم بالآخرة هم يوقدون. مين بقى اللي وصل لليقين - 00:24:43

ها اللي اشتغلوا في العمل الصالح. يبقى ده الفكر الایه ؟ الفكر العملي. يبقى الان فكر العملي. هو ده الكلام اللي بنقوله. مجيء اليقين ليس بالسماع مجيء الاخلاص ليس بالسماع عن الاخلاص. وانما بالعبادة. يعني انا دلوقتي يا جماعة ربنا يعافينا يا جماعة. الواحد رجله مكسورة - 00:25:03

اقعد اكلمه عن الرجل السليمة. رجله تبقى سليمة ! ده كلام جنوني. امال لما اتكلموا على الرجل السليمة انا باكلمه عنها ليه ؟ عشان يشتاق ويصبر على مرارة الجبس صح ولا ؟ فانتم بتسمع عن الاخلاص واليقين والمقامات القلبية ده مش تحصيلة، انما ده تشويق لها. عشان تبذل الجهد - 00:25:23

بقى في الطريق لها اللي هو الذين يقيمون الصلاة ويؤتون الزكاة. هو ده الطريق اللي في جيبك طلعة قبل ما تروح بيتك. في ايدك حتدين دهب لو جوزك مش هيطلقك طلعيهم لله سبحانه وتعالى. ما فيش مشكلة خالص. يعني بس ربنا يستر تبقى الامراض دي مش

للها يا اخوانا اللي معه يطلع اللي في جيبيه جنبيه يطلع منه لله. اللي في جيبيها خمسة جنيه تطلع منها لله سبحانه وتعالى العبادة هي الطريق وهم بالآخرة هم يوقنون هم ايه؟ هم دول. هم دول اللي بيصلوا للبيقين. هو ده طريق الوصول. القرآن والعبادة - 00:26:03
هو ده طريق الوصول للبيقين. وهم بالآخرة هم يوقنون. طبعاً يوقنون ان فعل ماضي ولا انضار مضارع مضاييفن الایه ؟ التجدد.

التجدد والاستمرار. الناس دي بتجدد شباب يقينها. الناس دي بتجدد شباب التزامها. الناس دي مشغولة - 00:26:23

شباب ايمانها على طول آآ ليلة مع صورة جلسة تدبر جولة زيارة مقابر آآ جلسة مدارسة في سورة او خمس ايات او اية الكرسي مع بعض اخوانه. هو كده جدد شباب يقينك. اووعي تفتكر ان البيقين ما دام جه مرة يبقى هيستمر. على طول على طول - 00:26:41
راعي ايمانك ارويه اروه بالعبادات وبالاتصال بالقرآن وببيئنة الايمان باستمرار. الذين يقيمون الصلاة ويؤتون الزكاة وهم الاخرة هم يوقنون اولئك على هدى من ربهم. على اهل القمة هم دول اللي وصلوا للقمة في النهاية. امال اهل - 00:27:01

ومن الناس من يشتري لهو الحديث. يبقى فيه ناس ملهية عن ربنا. مشغولة مشغولة بالغناء زي ما ابن مسعود رضي الله عنه وارضاه بيقول مشغولة بالروايات والقصص زي ما بعض المشركين حاول مشغولة بالتوک شو ما - 00:27:21

مشغولة بالواتس والفيسبوك والسوشيال ميديا مشغولة مشغولة بالفلوس. المشغولة بنفسها. المهم ان في ناس هي دول اهل القاعة. اهل القمة اولئك على هدى. على وصلوا للعلو. وصلوا للقمة طريق للقمة القرآن والعبادات. الطريق اللي احنا بنحاول نمشي فيه. اصبروا يا اخوان. اصبروا الشهرين دول رجب وشعبان بازن الله. على الطريق اللي احنا ماشيين فيه ده - 00:27:41

وابشروا بخير رمضان مر عليكم منذ ولدتم امهاتكم. بازن الله بس تدخلوا رمضان صحي. احنا هدفنا شعرنا السنة ادي رمضان بدون كرمبات. رمضان من غير كرمبات بازن الله سبحانه وتعالى. بس انت بس ايه اشتغل صح دلوقتي عشان تبدأ تجني - 00:28:11
في رمضان اولئك على هدى الهدى ده منين؟ من مجاهدتهم وتعبهم. صح يا شيخ؟ صح؟ لا من ربهم. من ربهم حد منكم قال الحمد لله على نعمة التحفيز؟ الحمد لله على نعمة الدروس الدعوية اللي كل يوم في الحمد لله حد منكم قال الحمد لله على نعمة الدين مين ربنا - 00:28:31

ربنا بيقول لك افتكر ان كل الدين اللي في حياتك ده مني. من ربنا سبحانه وتعالى. لولا ربنا كان زمانك الوقتي ماشي بتجربي تعاكس بنت في شارع ولا ولا بتاخذ آآ مخدرات لولا ربنا ما كانش زمانك هنا ابداً. كان زمانك بتجربي ورا دنيا من الدنيا اللي برة. اولئك على هدى - 00:28:51

مين ربهم؟ افتكر ان ربنا اللي بيوصلك للقمة. واولئك هم المفلحون. يعني ايه المفلحون؟ الفلاح لما بيفلح في الارض يطلع في الآخر الثمرة اللي هي يسموها الفلاح. الفلاح ان المكنة طلعت قماش. الفلاح ان الشجرة - 00:29:11

طلعت تفاح الفلاح ان المجهود جاب ثمرة في النهاية. يبقى فيه اتنين فيه واحد بيفلح في ارض خصبة الثمار هتطلع في نفسه والسعادة والسكينة. السمار هتطلع في رزقه بالبركة والوفرة - 00:29:31

الثمار هتطلع في امته بالحضارة والعزة. الثمار هتطلع في عافيته. الثمار هتطلع في قبره وقيامته وجنته وفي واحد بيفلح في ارض بور مش هتطلع حاجة. اعمل في جنین ميت. هينزل هينزل. ولو موت - 00:29:50

نفسها العاصي بيفلح في ارض بور. مش هيوصل لحاجة. الطائع اولئك هم الایه؟ المفلس في حون هم دول اللي هيفوزوا بالثمار كلها. هم دول والثانين. يا عيني هيطلع روحهم وفي الآخر مش هياخدوا حاجة. هيحسروا - 00:30:10

دنيا واحدة. ومن الناس من يشتري لهو الحديث ليضل عن سبيل الله. ايه الترابط بقى؟ الایات اللي فاتت دي اللي هي اول اربع ايات انا نزرة يا جماعة بقى قوي جداً. يا رب اللهم عافنا في ابصارنا يا رب. جزار الله خيرا - 00:30:30

طب اديه لي بقى عشان ده مصافي. اه احنا وصلنا للاية رقم كم مش شايف برضو سبحان الله! كابتني هبة ايه بالله ما شاء الله جزار الله خيرا يا شيخنا ربنا بيارك في حضرتك. الله يحفظك شيخ ابراهيم. آآ الخمس ايات اللي فاتوا المقصد بتاعهم ايه؟ بتوع الخمس ايات اللي فاتوا خمس ايات فاتوا - 00:30:46

بيعرفوك طريق القمة منين؟ معن؟ طب ليه ربنا بدأ بهم؟ لأن لهو الحديث دي حرب زي ما هنتكلم الوقت. ده بيحاربك. لا اوعى افتكر انه بيصرف مليارات على التوك شو والحفلات بتاعة الكليبات والقناة. اووعى تفتك ان كل ده كده - 00:31:10

ده الكلام ده عشان بيسموه في الغرب بيسموها التسميم الثقافي. بيسموها. من كتر المعلومات. من كتر الخيالة. من كتر كتر الاشغال من كتر اشغال البال. حرب تشتيت بيحيلك. بيحيلك في النهاية. طب انا الوقتي مخلوق اعمل ايه ؟ الواتس جميل والفيسب - 00:31:30

والتليجرام جميل والتوك شو حلو جدا. والسوشيال ميديا ما حصلتش. والاغاني والكليبات والحفلات والكرة وقنوات الكرة والافلام والمسلسلات والروايات والادب الغربي. كل الوسائل اللي الغرب حارب بها القرآن مع النبي عليه - 00:31:50

والسلام كل هذه الوسائل في النهاية طبعا مش معناها ان كل الوسائل دي حرام. انما الحرام ايه ؟ انها تستعمل بهذا الوجه وتستعمل سورة تشغل عن كتاب ربنا. انما فيها حاجات حرام و حاجات مش حرام. يعني آآ في النهاية ليه بدأنا بالنموزج ده ؟ لأن مين اللي مش هيتشتت ؟ مين اللي مش - 00:32:10

عليه. مين اللي مش هيتحطف ؟ مين اللي مش هيلهي ؟ مين اللي مش عيل صغير ؟ هجيب له حنة عربية بالاستيك حمرا. ينسى ان ماما نزلت وسابت البيت وراحت الشغل وبدل ما كان قاعد يعيط يبص للعربية ويقدر مبهور بالعربية هو بيعملوا معه كده. هم بيستعملوكم - 00:32:30

هم بيلعبوا بكم. هم بيلهوكم. ومن الناس من يشتري لهو الحديث. بعد اهل القمة جه اهل القاع بقى. اهل القاعة بقى اللي ملهين عند ربنا. اللي مشغولين عن ربنا. اللي مش فاضيين للدين بسبب الوهم - 00:32:50

ويعني الآيات دي تعلمك ايه ؟ الآيات دي اكتر حاجة انا انا شخصيا يعني يستفيد منها فيها اووعى حاجة تلهيك عن القرآن عبادة. اووعى حاجة تلهيك عن طريق الوحد للوصول الى الله. ما فيش مشكلة انك تتفسحي. ما فيش مشكلة انك تقعد تلعب مع - 00:33:08 اصحابك او اخواتك او اولادك ما فيش مشكلة انك تلعب ماتتش كورة. ما فيش مشكلة ان يبقى فيه ملجم ترفيهي في حياتك. انما السمت العام للحياة انك تبقى ملك ايه عن ربنا لا اووعى حاجة تلهيك عن ربنا بنسمهها التركيز ركز ركز عشان توصل لان اللي بيركيزه مع ربنا هم اللي بيوصلوا - 00:33:28

ربنا ومن الناس من يشتري يشتري ايه ؟ اه امال ايه ؟ ده بتاع التوك شو الفلافي بيأخذ خمسة اثني عشر مليون في السنة. ده المغني الفلافي بيأخذ تسعين ألف دولار في الحفلة السمية الف دولار دول انت ان شاء الله بازن الله لما تتخرج ان شاء الله وتشتغل مرتبك من يوم ما تتخرج لحد ما تموت بازن الله سبحانه وتعالى مش هتجيب تسعينية - 00:33:48

فانت تخيل تسعين ألف دولار في ليلة في تلات ساعات. ليه ؟ المرتبات الجباردة للعلام المضل للعلام لهو الحديث ده ليه ؟ عشان آآ الخصم صعب اووي يا جماعة. اصل اللي بيحاربوه تقيل اووي اووي اووي مش قادرين عليه. فقادرين يا عيني الاف - 00:34:08 بتاعة الاغاني والاف البرامج بتاعة التوك شو. ومئات الوسائل بتاعة السوشيال ميديا. والاف القنوات بتاعة الكرة مش عارفين يعملوها في قرآن مش عارف وهو الكرة حرام يا شيخ ! حبيبي انا مش باتكلم انك تنزل تلعب ماتتش كورة ! انا باتكلم على الكرة والجنون اللي موجود الوقتي اللي بعد ما كانت لعنة - 00:34:28

بقت لعنة بس في ايد المخابرات العالمية عشان الاسلام ما يقومش. وعشان الدين ما يقومش وعشان الناس ما تنتبهش. ومن الناس من يشتري لهو الحديث. يشتري هو في ناس بتدفع فلوس في حفلة ؟ اه خمس تلاف جنيه عشان يقدعوا يسمع مغني. طب ده لو قلت له يعني - 00:34:48

ديني مسلا بعشرة جنيه ليه ؟ طب فيه درس ديني ؟ يا عم ده بعشرة جنيه تاكسي رايح وعشرة جنيه تاكسي جاي. يعني انت بتدفع في ده ومش بتدفع في ده - 00:35:08

ومن الناس من يشتري لهو الحديث ليضل عن سبيل الله بغير علم. لقوا الحديث. يعني ايه لهو الحديث يا جماعة ؟ لهو الحديث ده ابن مسعود قال والله الذي لا اله الا هو - 00:35:18

الغناء والله الذي لا اله الا هو الغناء. والله الذي لا اله الا هو الغناء. الاية ما تقدرش تقول ان هي كلمتك عن الغنى. الغنى من وجهة ان هو حرام. كلمتك عن الغنا من وجهة تانية خالص عن المعازف بقى والكلام اللي احنا بنشووفه في الوقت ده طبعا يعني. مش قصدنا طبعا - 00:35:32

النشيد الاسلامية وال حاجات المباحة في الغناء. لأ ده الكلام بقى والمعازف والقصص وال حاجات اللي انت عارفينها دي. يعني ايه هو الغناء؟ يعني لما جم يلهم شباب مكة عن سيدنا محمد اشتروا المغنيات والراقصات وعملوا الحفلات. يعني ايه؟ يعني ابليس له خط سير. عايزةنا - 00:35:52

يقول لك ان الاغاني بالمعازف دي حرام هجيب لك قول الامام مالك انما يفعله عندنا الفساق. هجيب لك قول الامام الشافعى ان من استكثر منها ترد شهادته هجيب لك قول الامام الطبرى اجماع العلماء الامة على انها حرام. هجيب لك انما دلوقتى الاية مش بتتكلم في ده. الاية بتتكلم في - 00:36:12

نقطة تانية يا ابني ده بيلهوك بيضيعوك. عمر بن الخطاب يقول يعجبني الرجل اذا سمي خطة خسف ان يقول فيه ايه ؟ لا الدولة الخليجية. اللي الوقتي عايزين يفسدوا الشعب بتاعها. اول حاجة بدواها ايه ؟ الاغانى الله! هو الناس دي - 00:36:32
يا حبيبي ما هو مش هم. ده خط سير ابليس من يوم ما ربنا نزل ادم على وجه الارض. اول حاجة ببدأ بها. لما يحاول شعب الاغانى قال تعالى واتبعوا ما تتلوا الشياطين على ملك سليمان. من الاقوال العجيبة للمفسرين والواحد اتعلم من السنين اللي فاتت انك - 00:36:52

انت ما تستقلش بقول مفسر ابدا. احيانا اقوال تقدر تبعض. طب القول ده معناه ايه؟ ده قول غريب. تمر السنين تكتشف انه كان قول رهيب كثير جدا من المفسرين قالوا واتبعوا ما تتلوا الشياطين على ملك سليمان. اي الاغانى. الله! طب يعني ايه الاغانى؟ يعني سليمان لما مات - 00:37:12

الشياطين عايزة تدمر المملكة بتاعتها وكلها على الدين. وكل اهلها بيقوموا ليل وكل نسائهم محجبات. طب يدمروها ازاي رقم واحد نزل الاغانى. زي اللي بيحصل دلوقتى في الخليج بالضبط. نزل الاغانى. طب مصر عايزين نقلب الشباب بتوعنا نعمل ايه - 00:37:32
جدا زي فويس وفويس كيدز واراب جود تلانت واكس فاكتور وآآ هو الموضوع بسيط جدا انت بيتهياً لك ان الموضوع عادي الموضوع مش عادي الموضوع مش عادي. الموضوع ان ده خط سير. اول ما نزل ابليس في الارض عشان يفسد الارض. تمثل في هيئة مغنى. راعي لم يسمع بصوته مثل - 00:37:52

صوته جميل جدا كان بيعمل حفلة واحدة في السنة. ومرة في جول في بورتو مارينا بس مش اكتر من كده. مرة نفسه طويل. هو ما عندوش مانع انه يقعد اربعين سنة عشان - 00:38:13

اما ما عندوش مشكلة. مرة في السنة حفلة سنوية ينزل اول ما يحصل الاغانى والحفلات الغنائية. تاني حاجة تحصل على طول ايه الاختلاط هتنزل الشباب هينزل البنات هي Shawwa بعض هيقدر يسهم لها هتقعد تسبل له هيتعرفوا على بعض بس - 00:38:23
واختلاط الف سلامه يا باشا. التفاعل بقى مهياً لكل المصايب. زنا جواز عرضي آآ كل المصايب عدت موجودة. كل المصايب عادت موجودة القلوب فسدت بجد بقى. ما عادتش لها بعيال. يعني ما عادتش اغنية بتسمعها ولا اختلاط بنت ده ده فساد فساد - 00:38:43

فسدت القلوب يقوم يدخل الجيش الثالث. جيش ايه؟ الالحاد والشبهات. دخل على قلوب فاسدة. الشباب يسمع الكلام يتأسر كل سنة وانت طيب. هي دي الخطوة. هو ده خط سير ابليس مرخص. في الكلمتين دول. البداية بتاعته ايه؟ لهو الحديث. البداية بتاعته الاغانى. فيه وسائل تانية - 00:39:03

اه طبعا السوشيال ميديا اللي انت قاعد عليها ليل نهار دي. ما انتاش عارف انت داخل ليه اصلا. لازم تبقى عارف انت داخل ليه. وداخل قد ايه وداخل تعمل ايه؟ مش تدخل تتلهد فوق - 00:39:23

بعد ساعتين لهو الحديث الروايات لازم تبقى عارف انت بتقرأ ايه وبتقرأ لمين هو اي تسلية وخلاص لازم تبقى عارف انت بتعمل ايه

لو الحديث الوسائل بقاعة كتير جدا جدا - 00:39:33

زي ما كان الناظر ابن الحارس بيسبع روایات رستم وسفندیار. زي روایة راجل المستحیل الوقتی کده. ایه ده! قدوات بدیله. بدل ما محمد ابن عبدالله عليه الصلاة والسلام بیتكلم عن ابراهیم واسماعیل ویبهر الناس بالقدوات الدينیة هجیب لک جانج روسو وهجیب لک جیمس جیمس وهجیب لک - 00:39:49

اه دیسوفیسکی وهجیب لک جیفارا هاموت نفسی وهجیب لک ملیون واحد بدیل. لیه یا عم طب ما الصحابة موجودین. یعنی هم دول یفرقوا البراء ابن اقوى ملیار مرد من کل اللي بیتكلموا عنه. مصعب ابن عمير. کل حاجة عندنا. لا ده حرب قدوات بدیله. لهو الحديث. هو عایز یلهیك عن - 00:40:09

الصحابة لانک لو فقت لتاریخک هتوب وہتنتمی له هو عایز یقطع انتمائک لدینک. ويقطع انتماءک لای انجاز دینک طلعه. موضوع کبیر. حتى کلمة الحديث. يا اما من الحاجة الحديثة الجديدة اللي هو بیسموها التسمیم السقاوی زی السوشیال میدیا. کل - 00:40:29
ما وصل اليه العالم في کل حاجة انت وهم. يا اما الحديث مما تحدس به الناس. هو زی التوك شو کده. ده حصل وحصل وحصل وحصل وجرى وحصل والحق اللي حصل والحق اللي قال والحق اللي راح. والحق اللي جه. وفي النهاية تلاقی نفسک بالک انشغلت. تلاقی نفسک اتشتت وتلاقی نفسک واحد - 00:40:49

في الشارع يكلمك عن القرآن وعن ربنا ما فيش جواك زرة واحدة مركزة. خلاص اتفقلت شبرت من جوة. خلاص الاستقبال اتفقل. جميع مستقبلات الهدایة بلهو الحديث یبقی مین اللي مرکز؟ اووعی حاجة تلهیك. رکز یا ابني انت عمرک قصیر جدا. عمرک اقصر مما تتخیل. ومن الناس من یشتري لهو الحديث - 00:41:09

ليضل عن سبيل الله. ليضل عن سبيل الله بیسموها ایه ؟ نزرية المؤامرة. الله هي نزرية المؤامرة طلعت صح. ایوه. هم بیعملوا کده آما مؤامرة. ایوه ليضلو عن سبیلها. ایوه بیعمل کده عشان یضیعک. ليضل اللام دی ممکن تبقی لامة تعليم. ده نزرية مؤامرة. ده بیتأمروا عليه - 00:41:38

ازیکم یا شباب ؟ وممکن تبقی لام العاقبة ليضل عن سبيل الله هو فاهم ان اللي هیتشغل النهاردة بالاغانی والمعازف ولهو الحديث کله بکرة هیتشغل باللاحاد والشبهات. هم عارفين ان اقصر طریق للوقوع في الشبهات هو الواقع - 00:41:58

في الشهوات فبيوقعک في الشهوات عشان مناعتک عارفين الرؤية اللي الاخ كان جاي بیقولها لي المخرجة بتاعة الافلام الفزرة اللي حلم انها شافت دخل الجایزة لانها نشرت الایز. فيقول له ما الایز ده مرض نقص المناعة. هو لما بتنشر الشهوات بالافلام بتاعتھا الوحشة بتتنقص مناعة الشباب - 00:42:18

بیجي الجيش الثاني اللي بعدها ینشر الشبهات ما عدش فيه مناعة. حرب متكاملة. کل واحد منهم واحد مكانه. ها ويوم نحضر اعداء الله الى النار فهم یوزعون ده متوزعين هیتوزعوا في جهنم بازن الله زی ما هم متوزعين في الدنيا کده. ده کل واحد فيهم واحد مكانه واحد موقعه ومن الناس من یشتري له - 00:42:38

الحديث ليضل عن سبيل الله. في قراءة عشرية ليضل عن سبيل الله. قراءة عشرية یعني ایه بیضل ؟ یعني نهاية السکك دی ضلال ما تمثیش في السکة نهیتا سودا. ربنا بیجیب لک نهاية السکة دی. نهايتها ضیاع. ولیه وهي حرام في ایه ؟ یا ابني ربنا قال لك - 00:42:58

ما تبصش للقطة الاولى. بص للمشهد النهائي اللي ربنا یعلمہ وبیحرزک به. ليضل عن سبيل الله. النهاية ضلال. بغیر علم الله! هو مش الجهل ان انا ما اعرفش القواعد الهندسة والفیزیا! ده جهل. انما الجهل الاعظم. ان انا ما اعرفش الفرق بين الدنيا والآخرة - 00:43:25
ان انا ما اعرفش الفرق بين الخلق والمخلوق ويتخاذها هزوا. اوئلک لهم عذاب مهین. ويتخاذها هزوا اه یتخذ ایه ؟ حد یعرف یتخذ ایه ؟ یالله نشط زهنك معه کده. والعیاذ بالله. یتخذ ایه ؟ الایات القرآن. ماشي ها؟ القول الثاني یتخذ ایه ؟ سبیلا - 00:43:44

في الله. یعني ایه یتخذ هزوا؟ الناس دی كل رسالتها الاعلامیة حاجة واحدة. انه یطلع لك كل سنتوفة في طریق الدين مقلسة ومدحکة ومسخرة. هو ده رسالته انه یتریق على لبس المتدينین. ويتریق على شکل لحیته. ويتریق على شکل لبس النساء -

00:44:04

المتدين. واتريق على شكل دروسهم. ويترقب على شكل دعائهم. ويترقب على سلوكياتهم. ويترقب على معاملاتهم. ويترقب على جزاك الله خيرا يا أخي بيترقب على شكلهم وهم بيدعوا ربنا. ويترقب على شكلهم وهم بياكلوا مع بعض. ايه في ويتنذنها هزوا. هو عايز كده. هو عايز - 00:44:24

عايز يحولك لمدحكة المجتمع عايز احولك لكده. عشان كده هو عايز يهين الدين. فربنا قال اولئك لهم عذاب ايه؟ مهين. هو ان جزاء من جنس العمل. ربنا هييئنهم دنيا واخرة بازن الله سبحانه وتعالى. وربنا ما قالش له عذاب مهين. قال اولئك اصل هم كتير هم مش واحد ولا اتنين يا جماعة. اللي عايز كده كتير. وفي نفس الوقت مش بس - 00:44:44

اللي اشتري لهو الحديث عشان يضيعك هو اللي هيروح. واللي مشي وراه كمان معه. يعني والعياذ بالله الكل مشرف مع بعضه - 00:45:07